

CHINESE - JAPANESE LIBRARY
HARVARD - YENCHING INSTITUTE
AT HARVARD UNIVERSITY

JUL 15 1955

B040/1632.020

西湖誌



CM 0 1 2 3 4 5 6 7 8 9 10 11 12 13 14 15 16 17

Lab D50 2° 95/0/2

81/0/0

66/0/0

51/0/1

35/0/0

20/0/0

29/19/54

55/39/33

42/57/29

82/47/9

51/50/13

50/28/29

38/14/16

66/16/18

50/5/22

43/14/21

55/9/25

71/32/0

62/34/60

40/9/43

52/48/17

31/21/21

72/23/57

73/19/68

Harvard College Library Imaging Services <http://imaging.harvard.edu>

高玉陽先生輯

卷式奇觀

西湖誌

西湖名勝甲於天下向有學憲叔禾田公誌書世遠事殊名實多舛仁邑玉陽高先生性持風教情娛山水歷涉之暇考核詳明輯成便覽一書展卷而觀瞭如指掌誠勝遊之一助云

內附名賢題咏

武林在茲堂主人漫識

西湖便覽叙

哈佛大學漢和圖書館珍藏印

西湖便覽志志西湖一勝而為

游覽者便也夫寰宇之內稱佳

山水者不三而五所豔慕而踴

著志莫過于西湖此其說有三

彼夫白嶽障一壽身筏絕道網

庭浩水林車馬望洋而西湖干

頃中汴四山環峙駕輕舸而入
岫乘籃輿以觀流水溪山佳錯
繡跨虹浮島連嵒則山水總會
一區一也廬峰瀑布武夷溫泉
道路嶮巇市廛遠邈而西湖通
流入郭沿隄為城邇平隄而聚
廬涵半巖而倒影支筇命棹

不費春糧朝往夕歸一登眺每
極則興寄跬步一近二也補陀
越蛟窟之門金焦沙鷺龜鼉一窟
風濤叵測檣檣驚危而西湖
巨浸浮空清流徹底魚鳥目矜
落苻交橫坐明鏡而中行列翠
屏而四顧維風花嶼待雨柳堤

霽色可須浪痕無改則道遙矣
易之途三也天下雖多佳山水
而鮮能具是三者夫是以西湖
之勝稱冠於天下而名之冠著
游之家歲日一聞而慕者且
將褰裳而往褰裳釋而趨又况躬
履其地者乎永嘉陳叔秉鐸山

陰譚文之暇手一編示余曰高生
志賢武林布衣士也嘉樂山
水雅好纂述曩以試事主其家
因取舊志相與探討而彙輯之
前後凡數年而便隨成焉余受
讀之大都其詞則減若之十七
其蹟則增今之十三其事亦復其

理換其篇什臚列令人有風雅
之思至於闡隱公之幽潛躋
頌忠之崇祀其倡義尤卓
常假寓西湖觀其大槩頗雜
塵間占好事吊古扶奇未盡
閱是編所纂不必尋幽探險
湖山佳麗恍然呈現眉睫間
矣

余與陳叔厚通家且欲藉手以
寄游覽之興遂樂為之序俾
後之好遊不可不一觀是書也
時

嘉慶甲辰中夏望日

賜進士第翰林院提督四友館
太常寺少卿山陰石門朱敦祐



西湖便覽自敘
余幼業儒中道棄去私心竊嚮慕焉家

西湖便覽自敘

余幼業儒中道棄去私心竊嚮慕焉家
故隣湖山而樂之時與騷人墨士窮昧
極盻吊古訪今備錄士大夫撰記因念
學憲田公志西湖以來屢梓汗漫新蹟
愈增若錢武肅朱紫陽洪忠宣孫忠烈
陳方伯阮中丞龐侍御王彭兩公之註
達前此皆未悉而暨諸增飾不可無識

遂忘其固陋摘取前要採集後遺離為
一十二卷後同志者覽焉或曰子布衣
為是僭矣科曰唯唯情知召愆頌好德
一念淳乎觸發彼古詩三百寧皆鴻筆
田謠野頌聖人擇焉未嘗以賤棄也矧
未摘揆雌黃而徒為哀集者乎邇來諸
公皆忠貞冠世德澤加人有闕於民風
世道不淺殆人人得而揄揚者獨斬我

耶初豎原以開麗慶戴溢於後思據前
脩之履歷述後賢之文藻紀年叙事為
之實錄庶乎備後來之參考云爾詩云
心乎愛矣遐不謂矣科實以之又曰采
葑采菲無以下體君子有也今諸君子
不鄙賜以序跋且命梓焉意者其良醫
併收搜漆之權乎異時重輯則覆瓿爾
矣

省

萬曆唐子春三月吉

武林山人高應科志賢甫謹書



西湖便覽引

西湖便覽引

今人過錢唐泛西湖謗焉稱勝

而不加攷唐初尚多淤塞自李

鄴侯白文公首加疏濬以開民

麗錢武肅蘇文忠歲增月飾始

成樂土其後宋南都窮娛極翫

而寺院園墅之靡及貽尤物之

清元燬入明承平日久賢守
名藩游舉利民為德永久而一
時撰記之觀風雅此非鄰邑志
所能悉者知正間田憲公起而
別志之以颺盛美逾數十年屢
補屢更非前人有弗備乃時勢
使然不謂高君志賢者能於巖

穴間搜隱葺媿取前志而略之
以今時所關重者再為彙補集
名便覽余取其志意之以自表
見於將來古人三不朽要亦隨
遇自盡奚必有所乘藉若高君
者已見大意矣
萬曆歲次辛丑仲冬吉旦

西湖便覽
賜進士出身資善大夫都察院右
都御史前兵部左侍郎奉
勅經略薊遼保定山東等處出征
外國加一品服武林宗應昌恩

文甫撰



西湖便覽凡例

一舊志首敘斷橋孤山卽轉錄南山其次敘北山
意在自南而北也今觀北山景蹟數倍於南往
往遊人多以北山爲始而孤山又爲北山之餘
支凡登孤山者豈遂舍北而南耶今改先敘北
山以漸及南山庶幾遊覽爲便

一湖志舊傳六橋亦自南起以映波爲第一橋今
人皆稱跨虹爲一橋又據稱遊龍王堂者必云
三橋則映波爲一橋者非矣合從時稱以正之

一舊志將已廢祠宇莊園槩與見在者同列恐按圖索駿者不能一一有據今惟舉見在者大書已廢者細書庶不遺其古蹟而亦有所分別云

一舊志凡有詩賦詞章并錄于敘景之內似難搜閱今將詩詞另錄于左以便觀覽焉

一凡古本詩詞句皆連續無隙今每句爲之分斷庶一展易見又便于記誦云耳

一舊志吳山諸刹開載不循次序今逐一正之以便後之君子執編遊覽庶無舛錯


一舊志敘郭內街衢寺觀并志餘若干卷悉言民情土俗與西湖遊覽無涉故不盡述


一湖志舊圖雖備似亦紊亂無序使遊覽者罔知次第予今按地爲圖則湖山諸勝一覽輒盡卽踪跡未遍者而目中恍然已得湖山趣矣

一西湖詩賦甚多茲欲使覽不敢悉贅僅錄一二以記湖山之勝餘俟博采名賢佳作彙梓一編續爲西湖詩集云


一郡城圖茲不當載但河道所關故另敘于左

按郡城河道圖與湖相表裏最為緊關一城河水
 從湧金門入武林門洩往時開濬督役者不知其
 源第沿橋作閘十家為壩遞相車岸逐節開通徒
 費財力而曠日持久阻滯運道以致柴米騰湧殊
 為民患據其舊圖頗似散蔓今另繪一式指其繇
 入注其支派以俟疏濬者觀覽照圖窒塞則立刻
 可涸矣就淤泥高處求端用力次第開通刻期可
 完而民不擾費也然此圖者不無小補云但其城
 域寬宏橋梁道巷不能盡載姑略之高應科謹敘







靈隱天竺圖



烟霞龍井圖





萬古精忠



萬應光刊

萬世罪人

分屍檄



右社忠圖 繪

宋少保鄂國岳武穆王之神 其旁侍六將廼

烈文侯張憲昌文侯徐慶輔文侯牛臯煥文侯董先

崇文侯李寶尚文侯王貴今杭城忠祐廟有此六像

岳傳繪圖以昭忠烈

階下綁跪者萬世罪人示列于前以舒衆憤予見

楚府郭內相所鐫岳王廟志有秦檜王氏張俊万侯嵩

四人跪像今倣例圖之其黨奸從惡若元龜年羅汝

楫等悉當繪列暢快輿情

忠孝祠



右忠孝圖 繪

宋繼忠侯岳公雲烈文侯張公憲鄴侯岳公珂者

若三賢者二赤心報國全邁權奸之難一昭雪祖冤
紀續沉埋勛蹟俱已祔祀岳庭事詳于后今繪此圖
表章忠孝

初秦檜張俊謀害岳王時張俊在鎮江自為詞狀付
奸人王俊誣告張憲又親行鞫鍊憲被拷掠身無完
膚竟不服張俊自具獄詞告成于檜以致岳王父子
與憲三人含冤受戮當繪此二像示列于庭

翼忠祠



右翊忠圖 繪

宋殿前司使臣施公全建州布衣劉公允升臨安義士
隗公順者三公翊忠事實詳于二卷中

愚按

國家盛典凡忠孝節義俱許題

請表揚若三人者二殺身成仁一冒死取義比之節孝

迥出尋常未荷

聖天子特恩褒錫深為缺典今繪此圖伏望

觀風大人注意表章不惟志士啣恩抑且流芳百世

銘湖李氏曰志西湖勝者富矣而玉陽高君遠性冲韻亭、雲上
彙群裁哀緝之隰而為便覽已又繕圖卷巔夫業便覽矣浪形濠
濮盟侶薜荔者自足津筏乃更駢之圖不幾筌耶否否著述家意
必有所稿而後載若筆犧也制易畫止矣波直令象外者得之耳
嘗慨畜樊神王猿雀笑人烟蘿道長小靈俟我寧無風疎霞舉度
危嶂以方蠹淖清冷以齒潔者奚必蓬閣結想支節命棹碧獻青
酬條然遐抱便可出世不越攬勝得乃泔其意哉又奚事勝之
攬善操無弦醉翁非酒古有臥遊總之會心者近是則必有按圖
未竟而神栖五雲三竺間是固高君隱思而諸君子所未發也蓋
余不肖雅志登臨涉湘淮走燕薊茲復以升斗溷昔寤寐西冷玉
蓮披茲圖似印心繪益爽然色飛因謾為之說

於越歲進士李燁拜手書

望湖亭

孤山

麗農樓

四賢祠

和靖墓

放鶴亭

瑪瑙坡

梅花嶼

歲寒岩

三賢祠

陸公祠

六一泉

西冷橋

蘇公堤

六山橋

趙公堤

天澤廟

楊公堤

裏六橋

湖心亭

卷之三

北山勝蹟

王蓮亭

關王廟

溜水橋

昭慶寺

石涵橋

慶忌塔

羊坊橋

松毛場

金祝廟

阮公祠

放生碑

寶石山

崇壽寺

寶所塔

壽星石

石屏風

獅子峰

乚霞石

看松臺

乳井泉

一勺泉

天然閣

大佛寺

沁雪泉

靈濟廟

夏后祠

智果寺

顯功廟

錦塢

初陽臺

葛翁井

瑪瑙寺

僕夫泉

紫陽書院

葛仙翁墓

卷之四

北山勝蹟

四聖觀

洪公祠

鳳林寺

君子泉

龐公祠

棲霞嶺

棲霞洞

紫雲洞

牛鼻墓

妙智庵

關王廟

岳王廟

武穆墓

翊忠祠

流芳亭

葉公祠

卷之五

北山勝蹟

護國寺

淨性寺

仙姑山

彭公祠

張侯祠

青芝塢

玉泉寺

靈峰寺

法華山

方井

佛惠寺

報先寺

智勝庵

東嶽廟

周杞墓

雷院

駝巘嶺

行春橋

九里松

仙芝嶺

晉福寺

葛翁井

天醫院

黑觀音堂

集慶寺

三官廟

合澗橋

飛來峰

龍泓洞

青林洞

王乳洞

理公塔

回龍橋

石門澗

冷泉亭

青蓮山房

呼猿洞

卷之六

北山勝蹟

武林山

北高峯

靈隱寺

岫嶼居

石笋峯

茯苓泉

韜光庵

巖公墓

栗山

石人嶺

玉女巖

西溪

佛國山門

下天竺

靈鷲峰

月桂峰

稽留峰

蓮花峰

三生石

翻經臺

香林洞

葛塢

神尼塔

中天竺

千歲岩

永清塢

心庵

肅儀亭

見心亭

玄帝殿

彌陀殿

張仙祠

香山殿

上天竺

大悲泉

如意池

夢泉

乳竇峰

獅子峰

白雲峰

中印峰

幽淙嶺

天門

卷之七

南山勝蹟

柳洲亭

陳公祠

問水亭

孫公祠

靈芝寺

錢王祠

學士橋

茶坊嶺

長橋

南屏山

淨慈寺

萬工池

蓮花洞

浩然亭

小蓬萊

雷峰塔

高公墓

倪公墓

發祥祠

石屋寺

石屋洞

蝙蝠洞

水樂洞

煙霞洞

烟霞寺

南高峰

榮國寺

卷之八

南山勝蹟

王岑山

赤山

惠因澗

高麗寺

法相寺

六通寺

筍箕泉

三台山

于公墓

八盤嶺

周真人墓

小麥嶺

張公墓

東岳廟

靈應廟

飲馬橋

大麥嶺

柳庵書院

花家山

靈石山

張伯雨墓

徐公墓

風篁嶺

李公祠

龍井寺

龍井

神運石

一片雲

片雲亭

獅子峰

與衆亭

棋盤山

卷之九

南山勝蹟

老龍井

九溪

十八澗

錢糧司嶺

甘露寺

虎跑寺

虎跑泉

真珠寺

真珠泉

忠節祠

崇壽寺

華津洞

梯雲嶺

慈雲嶺

永壽寺

卧龍山

天真寺

登雲臺

勲賢祠

天龍寺

八卦田

天華寺

勝相寺

龍華寺

錢王墓

善慧寺

江公墓

鳳凰山

萬松嶺

萬松書院

留月臺

沈婆井

郭公井

萬松坊

報國寺

卷之十

南山勝蹟

宋行宮

梵天寺

勝果寺

月岩

中峯

御教場

樓雲庵

包家山

山川壇

正宗庵

三一庵

大慈山

錢唐江

六和塔

開化寺

五雲山

真際寺

雲棲寺

卷之十一

吳山勝蹟

吳山

鎮海樓

伍公廟

海會寺

東岳廟

王樞院

至德觀

江東廟

皮場廟

水神廟

三官廟

關王廟

城隍廟

文昌廟

火德廟

重陽庵

青衣洞

三茅觀

壽春庵

寶蓮池

雲居庵

三佛泉

紫陽庵

橐駝峰

雪風洞

卷之十二

吳山勝蹟

施公廟

報功祠

百法寺

寶奎寺

玄妙觀

忠節祠

真聖觀

晉光庵

通玄觀

仁王寺

定水寺

七寶庵

開元寺

寶月山

蛾眉山

淺山

竹園山

杭州十門

目錄終

西湖志摘粹補遺奚囊便覽卷之二

武林高 應科 摘畧

東嘉陳 有孚 交正

西湖總敘畧

西湖故明聖湖也周繞三十里三面環山谿谷縷注下有淵泉百道潄而為湖漢時金牛見湖中人言明聖之瑞遂稱明聖湖以其介于錢唐也又稱錢唐湖以其輪委于下湖也又稱上湖以其負郭而西也故稱西湖云西湖諸山之脉皆宗天目天目西去府治一百七十里高三千九百丈周廣五百

五十二里蛟螭東來凌深拔峭舒岡布麓若翔若舞萃于錢唐而增萃于天竺從此而南而東則爲龍井爲大慈爲玉岑爲積慶爲南屏爲龍爲鳳爲吳皆謂之南山從此而北而東則爲靈隱爲僊姑爲履泰爲寶雲爲巨石皆謂之北山兩山之脉分爲數道貫于城中則巡臺藩垣帥閫府治運司黌舍諸署清河文錦壽安弼教東園鹽橋褚堂諸市在宋則爲大內德壽宗陽佑聖諸宮隱隱脈脈皆王氣所鍾而其外邏則自龍山沿江而東環沙河而包括露骨于茅山艮山皆其護沙也北山之脉分爲數道貫于城中則臬臺分司諸署觀橋純

禮諸市在宋則爲開元景靈太乙龍翔諸宮隱隱脈脈皆王氣所鍾而其外邏則自霍山繞湖市半道紅衝武林門露骨于武林山皆其護沙也聯絡周匝鈎綿秀絕鬱葱扶輿之氣盤結鞏厚濬發光華體魄閎矣潮擊海門而上者晝夜再至夫以山奔水導而逆以海潮則氣脉不解故東南雄藩形勢浩偉生聚繁茂未有若錢唐者也南北諸山崢嶸迴繞瀝爲西湖洩惡停深皎潔圓瑩若練若鏡若雙龍交度而領下夜明之珠懸抱不釋若蓮萼層敷柎瓣莊嚴而馥郁花心含讓甘露是以天然妙境無事雕飾觀之者心曠神怡遊之者畢

西湖傳覽 卷之一
景留戀信蓬閣之別墅宇內所稀觀者也六朝以前史籍莫
攷雖水經有明聖之號天竺有靈運之亭飛來有慧理之塔
孤山有天嘉之檜然華豔之蹟題詠之篇寥落莫睹逮于中
唐而經理漸著代宗時李泌刺史杭州憫市民苦江水之鹵
惡也開六井鑿陰竇引湖水以灌之民賴其利長慶初白樂
天重修六井甃甃甃以蓄洩湖水溉沿河之田其自序云每
減湖水一斗可溉田十五餘頃每一復時可溉五十餘頃此
州春多雨夏秋多旱若隄防如法蓄洩及時卽瀕湖千餘頃
無凶年矣吳越王時湖葑蔓官乃置撩兵千人以芟草濬泉

又引湖水爲湧金池以入運河而城郭內外增建佛廬者以
百數蓋其時偏安一隅財力殷阜故興作自由宋初湖漸淤
壅景德四年郡守王濟增置斗門以防潰溢而僧民規占者
已去其半天禧中王欽若奏以西湖爲放生池祝延聖壽禁
民採捕自是湖葑益塞慶曆初郡守鄭戩復開濬之元祐五
年蘇軾守郡上言杭州之有西湖如人之有眉目也自唐已
來代有濬治國初廢置遂成膏腴熙寧中臣通判杭州葑合
纔十二三到今十六七年又塞其半更二十年則無西湖矣
臣愚以爲西湖有不可廢者五其畧一云西湖爲放生池爲

陛下祈福若湮塞使蛟龍魚鱉同爲枯轍之鮒也二云杭州
故海地水泉鹹苦自李泌引湖水作六井民足取給生聚日
繁若湖爲葑田則舉城復食鹹苦民將耗散也三云湖水蓄
洩及時可溉田千頃也四云運河藉于湖水若湖水不足必
藉于江湖潮水泥沙渾濁一石五斗不出三歲開濬騷擾爲
民大患也五云杭州官酒歲課二十餘萬緡水泉之用仰給
于湖也此西湖不可廢者五也今湖上葑田二十五萬餘丈
云云朝議從之乃取葑泥積湖中南北徑十餘里爲長堤以
通行者募人種麥取息以備修湖之費自是西湖大展矣至

紹興建都生齒日富湖山表裏點飾寔繁離宮別野梵宇僊
居舞榭歌樓彤碧輝列豐媚極矣嗣後郡守湯鵬安撫周宗
京尹趙與憲潛說友遞加濬理而與憲復因湖水旱竭乃引
天目山之水自餘杭塘達溜水橋凡歷數堰桔槔運之仰注
西湖以灌城市其時君相淫佚荒恢復之謀論者皆以西湖
爲尤物破國比之西施云元懲宋轍廢而不治兼政無綱紀
任民規竊盡爲桑田 國初籍之遂起額稅蘇堤以西高者
爲田低者爲蕩阡陌縱橫鱗次作又曾不容刀蘇堤以東縈
流若帶宣德正統間治化隆洽朝野恬熙長民者稍稍搜剔

古蹟粉繪太平或倡濬湖之議憚更版籍竟致閣寢嗣是撫
按劉敷吳文元等咸有題請而浮議蜂起有力者百計阻之
成化十年郡守胡濬稍闢外湖十七年御史謝秉中布政使
劉璋按察使楊繼宗等清理續占弘治十二年御史吳一貫
修築石閘漸有端緒矣正德三年郡守楊孟瑛銳情恢拓力
排群議言于御史車梁僉事高江上疏請之以爲西湖當開
者五其略曰杭州地脉發自天目群山飛翥駐于錢唐江湖
夾抱之間山停水聚元氣融結爲人物之都會財賦之奧區
而前賢建立城郭南跨吳山北兜武林左帶長江右臨湖曲

所以全形勢而周脉絡鍾靈毓秀于其中若西湖占塞則形
勝破損生殖不繁杭城東北二隅皆巖濠塹南倚山嶺獨城
西一隅瀕湖爲勢殆天塹也是以湧金門不設月城實倚外
險若西湖占塞則塹術綿連容奸資寇折衝禦侮之便何藉
焉唐宋以來城中之井皆藉湖水充之今甘井甚多固不全
仰六井南井也然實湖水爲之本源陰相輸灌若西湖占塞
水脉不通則一城將復鹵飲矣况前賢興利以便民而臣等
不能纂已成之業非爲政之體也五代已前江潮直入運河
無復遮捍錢氏有國乃置龍山浙江兩閘啟閉以時故泥水

不入宋初崩廢遂至淤壅頻年挑濬蘇軾重修堰閘阻截江潮不放入城而城中諸河專用湖水爲一郡官民之利若西湖占塞則運河枯澁所謂南柴北米官商往來上下阻滯而閭閻貿易苦于擔負之勞生計亦窘矣杭城西南山多田少穀米蔬藪之需全賴東北其上塘瀕河田地自仁和至海寧何止千頃皆藉湖水以救亢旱若西湖占塞則上塘之民緩急無所仰賴矣此五者西湖有無利害明甚第壞舊有之業以傷民心怨讟將起而臣等不敢顧忌者以所利于民者甚大也部議報可乃以是年二月興工先是郡人通政何琮常

繪西湖二圖并著其說故溫甫得以其槩上請蓋爲傭一百五十二日爲夫六百七十萬爲直銀二萬三千六百七兩斤毀田蕩三千四百八十一畝除豁額糧九百三十餘石以廢寺及新墾田糧補之自是西湖始復唐宋之舊蓋自樂天之後二百歲而得子瞻子瞻之後四百歲而得溫甫邇來官司禁約浸弛豪民頗有侵園爲業者○嘉靖十八年巡按御史傅鳳翔行縣清理占據四十四年巡按御史龐尚鵬刻碑於清波湧金錢塘三門嚴爲禁防卽今又有請佃罔利者官司不知多從其請

此一段乃方伯陳善近修郡志補入者

夫陂堤川澤易廢難興

與其浩費于已墮孰若旋脩于將壞况西湖者形勝關乎郡
城餘波潤于下邑豈直為魚鳥之藪遊覽之娛若蘇子眉目
之喻哉

嘉靖二十六年歲次丁未冬十一月 錢唐豫陽田汝成撰

按原敘甚悉第恐厭觀敢於疏內刪其大畧以便于覽也
郡志有云宋熙寧元祐間大旱水涸民遠汲解水直七八
錢至以饜餽貯水相餉如酒醴然若西湖之功豈淺鮮哉
今陳方伯所言禁令及修湖一節備載郡志第二十二卷
皆為國利民之事觀風者宜覽焉

宋人有議侵占西湖詩云

十里湖光十里色編筩都是富豪家待他享盡榮華後只
見湖光不見筩 此詩出田叔禾西湖志餘

附古今名賢西湖吟咏于後

柳耆卿

咏西湖詞

東南形勝三吳都會錢唐自古繁華烟柳畫橋風簾翠幙參
差十萬人家雲樹繞堤沙怒濤卷霜雪天塹無涯市列珠璣
戶盈羅綺競豪奢○重湖疊嶂清佳有三秋桂子十里荷花
羌笛弄晴菱歌泛夜嬉嬉釣叟蓮娃千騎擁高牙乘時聽簫
鼓吟賞烟霞異日圖將好景鳳池誇

此詞流播金主亮聞歌欣然有慕於三秋桂子十里荷花
遂起投鞭渡江之志

謝處厚 詩云

誰把杭州曲子謠荷花十里桂三秋那知卉木無情物牽
動長江萬古愁○蓋云此詞雖牽動長江之愁然卒為金
主送死之媒未足為恨也

辛棄疾

醉江月

西風吹雨戰新荷聲亂明珠蒼壁誰把香奩收寶鏡雲錦周
遭紅碧飛鳥翻空遊魚吹浪慣聽笙歌席座中豪氣看君一
飲千石○遙想處士風流鶴隨人去已作飛僊客茅舍竹籬
今在否松竹已非疇昔欲看當年望湖樓下水與雲寬窄醉
中休問斷腸桃葉消息

真父曾

西湖送春木蘭花慢

問花花不語爲誰落爲誰開算春色三分半隨流水半入塵
埃人生能幾歡笑但相逢尊酒莫相推千古幕天席地一春

翠繞珠圍○彩雲回首暗高臺烟樹渺吟懷拚一醉留春留
春不住醉裏春歸西樓半簾斜日恹恹春燕子却飛來一枕
青樓好夢又教風雨驚回

于國寶

一春常費買花錢日日醉湖邊玉驄慣識西湖路驕嘶過沽
酒樓前紅杏香中簫鼓綠楊影裏鞦韆○暖風十里麗人天
花壓鬢雲偏畫船載得春歸去餘情付湖水湖烟明日重扶
殘醉來尋陌上花鈿

劉改之

西湖便覽 卷之一
睡覺啼鶯曉醉西湖兩峰日日買花簪帽去盡酒徒無人問
惟有玉山自倒任拍手兒童爭笑一騎乘風翻然去避魚龍
不見波聲悄歌韻遠喚蘇小○神僊路近蓬萊島紫雲深參
差禁樹有烟花遶人世紅塵西障日百計不如歸好付樂事
與他年少費盡柳金梨雪句問沉香亭北何時召心未慙髮
先老

楊廉夫

西湖竹枝詞

蘇小門前花滿株蘇公堤上女當壚南宮北使須到此江南
西湖天下無

瞿佑

滿庭芳

露葦催黃烟蒲注綠水光山色相連紅衣落盡辜負採蓮船
點檢六橋楊柳但幾箇抱葉殘蟬秋容晚雲寒鴈背風冷鷺
鷺肩○華筵容易散愁添酒量病減詩顛况情懷冷淡漸入
中牟掃退舞裙歌扇盡付與一枕高眠清閒好脫巾露髮仰
面看青天

又

西湖四時望江南詞

西湖景春日最宜晴花底管絃公子宴水邊羅綺麗人行十
里按歌聲

其二

西湖景夏日正堪遊金勒馬嘶垂柳畔紅粧人泛採蓮舟
起水中鷗

其三

西湖景秋日更宜觀桂子岡戀金谷富芙蓉洲渚綵雲間爽
氣滿前山

其四

西湖景冬日轉清奇賞雪樓臺評酒價觀梅園圃訂春期共
醉太平時

莫璠

蘇堤春曉

十里樓臺花霧繞宜雨宜晴山色籠春曉楊柳梢頭殘月小
海棠枝上猶眠鳥○蘭帳玉人初睡覺試問樓前畫舫開多
少報道尋芳人起早紫騮嘶過香塵道

右調蝶戀花

其二

段橋殘雪

快雪時晴寒尚冱玉屑銀沙紛滿西湖路一道垂虹如約素
裙腰草色非前度○斷袂遺環愁日暮想像凌波羅襪應難
步欲探梅花無處所山童指點通仙墓

其三

花港觀魚

杜若浮香春霽雨浪暖桃花錦帳鴛鴦渚碧藻叢深菱葉底
織鱗吹沫搖朱尾○戲把金鈎垂綠水却憶雕闌翠袖人同
倚腸斷蕭娘書一紙相思欲報憑雙鯉

其四

柳浪聞鶯

西子湖頭春過半萬縷垂楊洵似波紋亂黃褪綠勻誰暗換
俊游來繫花驄慣○紅喙嬌鶯啼緩緩韻叶笙簧幾被風吹
斷惱亂佳人停鳳管背花偷把春纖按

其五

麴院風荷

五月涼風來麴院綠水芙蓉紅白都開遍風透花香清不斷

採蓮舟過歌聲緩○醉折碧筒供笑翫翠蓋紅綃高下翻寒
亂向晚新涼醒酒六面鉢衣薄停紈扇

其六

三潭印月

秋靜寒潭澄見底玉色蟾蜍飛入清冷水睡熟驪龍呼不起
領珠光照水壺裏○宴賞此時能有幾遙憶同歡今夜入千
里試問龍淵深幾許騎鯨欲共姮娥語

其七

兩峯插雲

南北峯頭雲氣繞玉削芙蓉迥出青天表金碧浮圖瞻縹緲
朱甍綉檻臨黃道○下界紅塵飛不到東望彤庭日出扶桑

西湖傳覽 卷之一 十一
曉願借謫仙希有鳥瑤笙和上蓬萊島

其八

雷峯夕照

古塔斜陽紅欲暝西崦人家半在桑榆景水
印殘霞如濯錦烟籠佛國非凡境○十里畫船歸欲盡漁唱菱歌別是湖中
景待月有人樓上等珠簾半捲闌重凭

其九

南屏晚鐘

翠巘深深幾許佛閣華鐘鯨吼西風裏回首南莊行樂地
暝烟隔斷青蓮宇○宴飲芳園人散去金鑰嚴城次第催將
閉一望長橋燈火起絳紗影裏聯歸騎

楊周

蘇堤春曉

柳暗花明春正好 重湖霧散分林杪 何處黃鸝破暝烟
一聲啼過蘇堤曉

其二

段橋殘雪

澄湖曉日下晴湍 梅際冰花半已闌 獨有斷橋荒蘚路
尚餘殘雪釀春寒

其三

麴院風荷

香風習習舞淪漪 翠蓋擎來當酒卮 取次蓮歌湖畔去
持杯正在納涼時

其四

柳浪聞鶯

綿蠻好鳥喚遊情
散入香風滿郡城
最是關心聽不得

柳洲亭外兩三聲

其五

花港觀魚

麗日金波躍錦鱗
暖風吹浪乍浮沉
也知吾樂非魚樂
不是濠梁傲世心

其六

平湖秋月

平湖秋色浸樓臺
萬里無雲霽景開
只道江妃乘月下
誤疑環珮自天來

其七

三潭印月

碧天清影下澄潭
萬頃金波鏡裏看
驚起蛟龍眠不得
冰壺秋色夜光寒

其八

雷峯夕照

曛曛塔影帶斜暉
半在林巒半翠微
迢遞南屏山下路
老僧正傍夕陽歸

其九

南屏晚鐘

重湖夜色已沉沉
樓閣參差半夕陰
南浦鐘聲和雨至
滿川漁火出前林

其十
載于北高峯下

聶大年 蘇堤春曉

樹烟花霧遠隄沙
樓閣朦朧一半遮
三竺鐘聲催落日
六橋柳色帶樓鴉
綠窓睡覺聞啼鳥
綺閣粧殘喚賣花
遙望酒旗何處是
炊烟起處有人家

其二 段橋殘雪

醉裏曾登白玉梯
東風吹暖又成泥
玉腰蟠螭垂天濶
銀色樓臺夾岍迷
九井晴添新水活
兩峰濃壓宿雲低
衝寒為訪梅花信
十里銀沙印馬蹄

其三 花港觀魚

湖上春來水拍空
桃花浪暖柳陰濃
微翻荇帶綵千尺
亂躍萍星翠幾重
洲渚此時多避鷺
風雲何日去為龍
箇中縱有濠梁樂
濶網深罾不汝容

其四 柳浪聞鶯

雨後翻空一派青
蘇公隄岍繫漁舸
只藏鶯鳥春聲滑
不起魚龍夜氣腥
遊子愛閒停玉勒
佳人倦聽倚銀屏
待看三月歌喉老
又見浮波絮作萍

其五 麴院風荷

翠圍紅繞戰縱橫
似看吳宮習女兵
飛雪翻空雲影亂

遊魚吹浪水紋生
錦裳零落香猶在
銅柱欹斜露半傾
兩腋新涼驚酒醒
畫船吹送按歌聲

其六 平湖秋月

曾向湖隄夜扣舷
愛看波影弄嬋娟
一塵不動天連水
萬籟無聲客在船
赤壁未醒玄鶴夢
驪宮偏惱老龍眠
朗吟三塔微瀾句
長嘯凌空氣浩然

其七 三潭印月

纖雲掃遍浪花收
塔影亭亭引碧流
半夜冰輪初出海
一湖金水欲鎔秋
龍宮獻璧神光吐
蛟室遺珠瑞氣浮

浪說影娥池上景
不知此地有仙舟

其八 兩峯插雲

屹立亭亭入杳冥
勢雄南北氣憑陵
玉簪拔地三千仞
寶蓋撐空一七層
天遠不聞風外鐸
夜深遙禮月邊燈
何當一掃浮雲淨
俯視東溟看日升

其九 雷峯夕照

宜雨宜晴晚更宜
西湖端可比西施
霞穿樓閣紅光繞
雲捲笙歌逸韻隨
山紫翠中樵唱遠
樹蒼黃處馬歸遲
何人解畫瀟湘景
併與漁村作二奇

其十

南屏晚鐘

柳昏花暝暮雲生
 隱隱初傳三兩聲
 禪榻屢驚僧入定
 旅牕偏惱客含情
 月隨逸韻升鰲嶺
 風遞遺音過鳳城
 催散遊人罷歌舞
 玉壺銀箭夜初更

劉邦彥

西湖放燈

金蓮萬朶漾中流
 疑是潘妃夜出遊
 光射魚龍離窟宅
 影搖鴻雁亂汀洲
 凌波未必通銀浦
 趁月偏憐近綵舟
 忽憶少年清泛處
 滿身風露忽凭樓

白樂天

咏西湖詩

杭州形勝世間無
 州傍青山縣枕湖
 遶郭荷花三十里
 拂城松樹幾千株
 夢兒亭古傳名謝
 教妓樓高道姓蘇
 惟有使君年老大
 風流不稱白髭鬚

又

笙歌杯酒正歡娛
 忽憶仙郎望帝都
 借問連宵直南省
 何如盡日醉西湖
 蛾眉久別心知否
 鷄舌含多口厭無
 還有此些惆悵事
 春來山路見蘼蕪

林和靖

混元神巧本無形
匠出西湖作畫屏
春水淨於僧眼碧
晚山濃似佛頭青
樂榼粉堵搖魚影
蘭社烟叢閣鷺翎
往往鳴榔與橫笛
斜風細雨不須聽

歐陽脩

齒香消盡舸浮
使君寧復憶揚州
都將二十四橋月
換得西湖十頃秋

范仲淹

長憶西湖勝鑑湖
春波千頃綠如鋪
吾皇不讓明皇笑
可賜踈狂賀老無

蘇子瞻

湖光瀲灩晴偏好
山色空濛雨亦奇
欲把西湖比西子
淡粧濃抹兩相宜

又

畢竟西湖六月中
風光不與四時同
接天蓮葉無窮碧
映日荷花別樣紅

陳節齋

花瘦水肥三月天
畫橈雙動木蘭船
人家盡換新榆火
惟有垂楊帶舊烟

西湖傳覽 卷之一
林夢弁

山外青山樓外樓 西湖歌舞幾時休 暖風薰得遊人醉
直把杭州作汴州

范景文

湖邊多少遊湖者 半在斷橋烟雨間 盡逐春風看歌舞
幾人着眼到青山

賈似道

半是樓臺換却村 幾回獨立更消魂 斷堤野水梅花宅
千古春風一月痕

朱希晦

碧水澄空四十里 淡烟疎雨六橋春 不知今日西湖上
解種梅花有幾人

劉黻

東風吹客到西湖 汀草沙禽半識吾 若得數間茆屋在
種梅花處伴林逋

趙子昂

春陰柳絮不能飛 雨足蒲芽綠更肥 只恐前呵驚白鷺
獨騎款段遶湖歸

鍾禧

萬頃西湖水貼天
芙蓉楊柳亂秋烟
湖邊為問山多少
每箇峰頭住一年

洪鐘

玻璃百頃碧潭平
風度荷香遠更清
遙想西湖好風景
採蓮人在鏡中行

張文宿

隄上蘇公楊柳
水邊王令桃花
細雨斜風漁艇
小橋流水人家

石應奎

題瞽者遊湖

山色花明眼底無
因見扶杖過西湖
暗思隄上風光好
消受香風酒一壺

向杰

虎林多壯麗
秀絕在西湖
處處疑蓬島
行行入畫圖
水通諸刹盡
山出半空無
願築盤桓室
尋梅學老逋

屠隆

停橈湖上踏歌行
湖草離離湖水清
一片紅蕖香杳藹
花間轉出珮環聲

夏時

咏蘇公堤

景槩平湖十里遙 堤涵澗水涵橋 從將春色分為兩

柳驪桃天難畫描

汪道昆

湖上荅王仲房

十里湖風六月秋 時時繫纜水西頭 諸天盡是清涼界

竟日何妨汗漫遊

彭夢祖

湖上進艇

西湖風日好 進艇傍岩堯 松霧迷三竺 花陰覆六橋

綺筵山色映 歌管歲華消 欲問前朝事 錢唐去去潮

朱夢炎

萬戶烟消一鏡空 水光山色畫圖中 瓊樓燕子家家雨

錦浪桃花岼岼風 畫舫舞衣凝暮紫 繡簾歌扇露春紅

蘇公堤上垂楊柳 尚想重來試玉驄

湯仲友

山色波光步步垂 古今難畫亦難詩 水浮亭館花間出

船載笙歌柳外移 過眼年華如去鳥 惱人春色似遊絲

六橋幾見輪蹄換 取樂休辭金屈卮

夏與誠

西湖傳覽 卷之一
蓬萊何處覓神仙 咫尺西湖別有天
十里水雲供笑傲 一時人月共團圓
桂花香裏頻呼酒 荷葉叢中旋擊鮮
富貴不須行樂耳 年年莫負此嬋娟

劉英

山遶重湖寺遶山 天留圖畫在人寰
路從烏桕林邊轉 船近黃妃塔下灣
歲月祇隨華髮改 烟波空付白鷗閑
當歌不耐傳觴促 獨俯寒沙照醉顏

童漢臣

春隄露日看花醉 行過花隄酒未消
明月灣頭重買渡

青山斷處忽逢橋 遲回曲水隣芳樹
細數歸船聽玉簫 但使春光常不改
人生何地不逍遙

張傑

誰爲鴻濛鑿此陂 湧金門外卽瑤池
平沙水月三千頃 畫舫笙歌十二時
今古有詩難絕唱 乾坤無地可爭奇
溶溶漾漾年年綠 銷盡黃金總不知

金璐

八十年餘一老夫 紫冠常戴面西湖
漫開玉醴招仙客 旋採青芹入野厨
獨鶴對人閑自舞 雙鳧出水巧相呼

夜深起向中庭坐 明月依然上碧梧

嚴嵩

一帶雲峰望却無 六橋烟柳隱模糊 夕陽樓閣林藏寺
芳草汀洲水蒲湖 蘇相堤橫蒼逕遠 逋仙宅傍碧山孤
畫圖云是西湖景 曾到西湖是畫圖

焦蘭

金刹飛鸞二竺間 石堤斜卧六橋灣 絲牽細荇魚吹浪
竹動清風鶴下山 匏甲破時江雨歇 土毛潤處野雲還
革除塵事清如許 木榻瞿曇正掩關

王世貞

拂幘鶯啼出谷頻 長堤天矯跨蒼旻 六橋天濶爭虹影
五馬飈輕散麴塵 碧水乍搖如轉盼 青山初沐競舒顰
莫輕楊柳無情思 誰是風流白舍人

茅坤

西湖遊冶屬春光 中使傳宣七寶粧 十里桃花連步障
六橋柳色幔幃牆 盈盈歌舞珊瑚色 面面樓臺珠翠香
滿眼韶華看不盡 太平今已兆錢唐

喻均

西湖便覽 卷之一
不倦相從泛碧漪 如雲賓客總心期 談鋒轉益高天迥
酒態翻令片月疑 三竺鐘聲烟際墮 兩高樹色杖前隨
縱然歸到蓬萊署 應羨沙頭一釣絲

黃猷吉 咏六橋

西子粧成任淡濃 錦欄旋束舞腰同 千峰翠色春杯裏
十里桃花曉鏡中 東浦畫船西浦出 南山歌吹北山通
龍宮臺上深秋月 香送芙蓉一笛風

陳有孚 全

畫橋烟艇駐笙歌 日日湖頭載酒過 飛帶舞空分玉鏡

長虹浮樹跨銀河 偎花醉卧三春柳 夾水香飄十里荷
南北諸天通有路 人登彼岸想東坡

張元慶 遊十錦塘

湖上重開十錦塘 東君經緯思偏長 天流霞彩繡山色
鳥弄烟梭織水光 千樹長看紅葉亂 四時不斷綺羅香
望湖亭下尤堪醉 對對濃粧簇海棠

施浚明 十錦隄上逢項貞元次韻

一水橫塘隔 垂楊蘸白波 四天紅霧斂 三面碧山多
人物逢玄度 風流近永和 漢臯知有贈 倘許續羊何

又

題林純卿孤山百詠卷

昔年林叟放鶴處清絕梅花兩三樹玉融山人稱耳孫一歌
 恰近先生墓六橋絡繹盡圖間十里荷花自環互山人俠骨
 太峻嶒錦囊慣撥鷲人句自言徧歷川岳奇唯有孤山好栖
 駐自言徧閱古今人唯有先生得吾趣孤山孤山今不孤後
 先掩映碧玉壺景逢會心詩入妙新編十斛大秦珠我吟君
 詩識君面恍如文園病客餐醜醜何當尋名姝夷光倚檻耀
 瓊膚何當呼酪奴味含蔬筍到君無明朝不淺觀梅與樹頂
 新巢見鶴雛

姚崧

濃粧淡抹似西施 景屬江南此最希 彩鷁直通三竺盡
 白鷗時趁六橋飛 湖光開去紋成練 山勢飛來翠作圍
 指點形容渾未識 却交描入畫圖歸

高應科

曲江佳景數西湖 好似天然一畫圖 三竺雲山僧舍小
 六橋烟水釣船孤 千年古廟悲忠鄂 一樹寒梅識老逋
 南宋衣冠無復見 空聞杜宇叫荒蕪

陳有孚

碧落何年掛此圖 畫工奇絕古今無 雲藏紅樹樹藏寺
 烟鎖青山山鎖湖 三竺有天通畫舫 兩峰得月弄明珠
 可人最是孤山夜 疎影橫斜坐老逋

景樓目

西湖志摘粹補遺奚囊便覽卷之一

西湖志摘粹補遺奚囊便覽卷之二

武林高 應科 輯補

東嘉陳 有孚 交正

孤山勝蹟

出錢唐門折而西為斷橋十錦塘錦帶橋望湖亭孤山稍
 北為麗農樓四賢祠和靖墓放鶴亭瑪瑙坡

斷橋

本名寶祐橋自唐時呼為斷橋張祐詩云斷橋荒蘚合

是也元時錢惟善竹枝詞有段家橋之名楊薩諸詩往往亦
 稱段橋未可謂無證今兩存之

白樂天

望海樓明照曙霞 護江堤白蹋晴沙 濤聲夜入伍員廟
柳色春藏蘇小家 紅袖織綾誇柿蒂 青旗沽酒趁梨花
誰開古寺西湖路 草綠裙腰一道斜

橋口宋有總宜園中貴張氏別墅也稍西有涵碧橋又西有處士橋宏春橋並廢

十錦塘 本名斷橋堤也橋堤烟柳葱菁露草芊綿望如裙帶
歲久弗治湖濤日削殆盡萬曆十七年司禮監太監孫公隆
修築甚偉壯雜植四時花木遊人叢集稱為十錦塘又稱為
孫堤中建錦帶橋

望湖亭

唐時在孤山宋時徙寶石峰 洪武初年復徙故址
歲久傾圮萬曆十七年孫公重建增築露臺周設石座四面
玲瓏湖山絕勝

白樂天

湖亭晚歸

盡日湖亭卧 心閒事亦稀 起因殘醉醒 坐待晚涼歸
松雨飄蘇帽 江風透葛衣 柳堤行不厭 沙軟絮霏霏

又

湖亭留別

征途行色慘風烟 祖帳離聲咽管絃 翠黛不須留五馬
皇恩只許住三年 綠藤陰下鋪歌席 紅藕花中泊妓船

西湖便覽 卷之二
處處迴車盡堪戀 就中難別是湖邊

其二

湖上春來似畫圖 亂峰圍繞水平鋪 松排山面千重翠
月照波心一粒珠 碧毯綠頭抽早麥 青蘿裙帶展新蒲
未能拋得杭州去 一半勾留是此湖

韓克莊

湖亭宴賞

芙蓉花開一萬頃 錢唐最好是湖邊 晚風得酒更留月
春水到門還放船 笙引鳳凰天上曲 賦裁鸚鵡座中仙
令人却憶徐公子 深閣焚香日晏眠

王叔杲

十錦塘詩

橫截平湖十里天 錦橋春接六橋烟 芳林花發霞千樹
斷岫光分月兩川 幾度觴飛堤外景 一清棹發鏡中船
竒觀粧點知誰力 應有歌聲被管絃

孔聞音

一自工完十錦塘 頓令處處勝瀟湘 兩湖芰發無窮碧
四季花開不斷香 初地重新光舍利 梁園迭賞舞霓裳
憑君且莫蘇門嘯 願溥三河澤大荒

陳有孚

大堤重築武林西 湖水春風印草萋 柳外霞飄紅袖舉
花間笙轉亂鶯啼 輞川圖畫應難比 梁苑工奇勝與齊
誰把黃金培福地 千年勝槩入標題

屠隆

大隄楊柳映紅霞 萬井樓臺千樹花 費盡黃金買歌笑
畫船強半載琵琶

張邦侗

十錦塘邊三月時 花香百和落瓊卮 當壚妖冶嬌春色
面面桃花檀口吹

汪道昆

西湖懷古

林塘幽處駐烟霞 云是當年處士家 天畔孤雲迴野鶴
隴頭千樹放梅花 客星隱隱高牛斗 世路悠悠稅鹿車
北里南隣非宿昔 一杯聊得耐春華

彭夢祖

十里花陰夾道迷 水亭宛轉映芳堤 舟迴綠浦烟光潤
山壓紅樓樹色低 香氣不消明月夜 笙歌競起畫橋西
岳王祠墓應千古 石馬猶疑向北嘶

倪臞鶴

僧

鬱翠團團繞四山 半空湖水接雲還 孤亭似落波心上
萬壑如飛篷牖間 日暮斷橋仍泛泛 鳥歸深樹亦關關
浮雲得共扁舟載 更藉風流一解顏

宋守一 湖亭小集

為問竹溪逸 誰當處士星 高標希俗累 彩筆動山靈
鏡落芙蓉紫 園開薜荔青 肯憐朋好在 風雨望湖亭

張邦岱

西湖一片水悠悠 樓閣高懸杜若洲 夾岫桃花迷去棹
却疑身在武陵游

孤山 在重湖之間山形坦夷縣邈歸介湖中碧波環遶絕勝
諸山以其浮於水上若島嶼然亦名孤嶼以其四面皆水而
碧岑空浮於水上下若僊境然又名瀛嶼山故多梅為林處
士放鶴之地又名梅花嶼今梅徑梅塢尚存萬曆中孫公植
梅以復勝蹟方春則桃李盈隄夏秋則芙蓉映水冬則梅香
滿谷四時之賞良不可窮稱總宜焉唐宋間樓閣參差彌布
椒麓

張祐

樓臺聳碧岑 一逕入湖心 不雨山常潤 無雲水自陰

斷橋荒蘚合 空院落花深 猶憶西牕月 鐘聲出北林

白樂天

柳湖松島蓮花寺 晚動歸橈出道場 盧橘子低山雨重
棕櫚葉亂水風涼 烟波淡蕩搖空碧 樓殿參差倚夕陽
到岸請君回首望 蓬萊宮在水中央

田汝成

蒲荇芊芊盡吐芽 兩湖凝碧淨無沙 烟波窟理玄真釣
書畫船開米老家 買賦金空多費酒 登山屐拆為穿花
已拚齒髮于中老 別是人間一歲華

麗農樓 經略司馬宋公應昌之別墅也公奉 旨征倭恢復

朝鮮生還二王子李瑋李珪等飄然歸里築室于孤山放鶴
亭之右日携尊宴飲扁其樓曰麗農蓋取西海中麗農山云

宋應昌

集孤山園自嘲示客

僻性愛幽棲 居官嗚碌碌 念彼陶令賢 景行而自淑
乞休歸田園 園中數椽屋 停停幾株松 蕭蕭一林竹
日涉花逕間 忘却榮與辱 世人不敢親 鳥獸難馴服
漂渺思悠哉 聊寄茲草木

又

登麗農樓

徙倚上高樓 開軒景物幽 遠山空翠色 烟水白雲浮

波靜魚遊穩 林深鳥欲投 數竿簷外竹 停峙恣悠悠

末守一 孤山社成分得五言絕句體

檜影落重湖 雲滿三叉口 梅社有高人 空亭鶴歸否

又

田田荷葉淨 斜飛雙帶暎 倚醉欲裁詩 翠壓菱花鏡

又 中秋對月

片月當湖白 歡歌達曙遊 棹催搖玉液 韻逐動花丘

霧氣凝香鬪 烟波散酒籌 轉憐吹笛夜 瀟灑一漁舟

四賢祠 正德三年郡守楊公孟瑛建以祀唐刺史李公白公

宋太守蘇公處士林公今益以楊公金祀

李公泌字長源代宗時任杭州刺史白公居易字樂天穆宗

時任杭州刺史蘇公軾字子瞻哲宗時任杭州郡守三賢事

實詳于田叔禾總序林公逋字君復隱居孤山徵辟不就構

巢居閣繞植梅花吟味自適徜徉湖山或連宵不返客至則

童子放鶴招之真宗嘉其高尚賜號和靖處士楊公孟英字

溫甫正德間任杭州郡守重濬西湖飾復唐宋舊美祠右有

文昌閣萬曆中建

林逋墓 在孤山之陰紹興十六年建四聖延祥觀盡徙諸院

刹及士民之墓獨逋墓詔存之勿徙咸淳間賈似道題石曰

和靖先生墓命金華王庭書之元胡僧楊璉真伽發其墓惟

端硯一枚王簪一枝 皇明成化十年郡守李端葺治

放鶴亭 嘉靖中錢唐令王鈇作萬曆十七年孫公重修

其下舊有處士橋梅亭鶴亭並廢

林和靖

詩多清逸臨終四絕蕭然遺詩一絕云

湖外青山對結廬 墳前修竹亦蕭疎 茂陵他日求遺稿

且喜曾無封禪書

又

題梅花詩

衆芳搖落獨暄妍 占斷風情向小園 疎影橫斜水清淺

暗香浮動月黃昏 霜禽欲下先偷眼 粉蝶如知合斷魂

幸有微吟可相狎 不須檀板共金尊

又

題隱居詩

湖水入籬山遶舍 隱居應與世相違 開門自掩蒼苔迹

過客時驚白鳥飛 賣藥比常嫌有價 灌園終亦愛無機

如何天竺林間路 猶到秋深夢翠微

高九萬

拜和靖墓

西湖仙
卷之二
王面香骨老雲根 占斷孤山水月村 薦菊泉清涵竹影
種梅地冷帶苔痕 生前已自全名節 身後從誰問子孫
惟是年年寒食日 遊人來與酌清尊

薩天錫

先生勝隱得孤山 小艇沿湖日往還 自愛烟霞居物外
豈知名姓落人間 鶴無過跡苔痕老 梅自開花月影閒
表墓有銘祠有奠 高風千載更廉頑

瑪瑙坡 在孤山之東碎石文瑩若瑪瑙然人採之以鑄圖象
望湖亭之西為梅花嶼歲寒岩三賢祠陸宣公祠六一泉

馮海粟

題孤山梅

林逋老去句空傳 寂寞荒墳起暮烟 惟有墳前數株玉
首將開落度流年

宋守一

孤山雪霽

二月西湖春水賒 樓觀晴雪迥生霞 亂峰迎旭開瓊界
雙練搖空暎玉沙 吟罷孤山迷鶴羽 粧成吳苑落梅花
扁舟獨棹蒼烟外 曾共村翁過酒家

梅花嶼 郡人憲副張公振先之別墅也中有金沙泉瑞鹿清
嘯二亭梅林竹徑蓉岍蓮汀四時堪賞

歲寒岩 石壁陡絕蒼蘚剝蝕中隱見篆書歲寒岩三大字下
疏郭令公歷中書二十四考廣成子住空同萬八千年相傳
為蘇長公題其上平夷四曠可眺視全湖即林和靖四照閣
故基也

三賢祠 乃尚書俞公祠也萬曆二十六年改為名賢祠以祀
本省方伯上海筮江潘公福清希齋陳公等六人未幾又改

今額

俞公名擘字德章臨安人以工部尚書致仕賜月廩與夫
祠內左有木香一不引蔓雙栢高三丈餘右有古梅一株
盤抱奇石其榦出石孔中歲久與石脗合如從石面生者
今廢

陸宣公祠 乃中書舍人洪澄別墅後屬陸少保炳自謂系出

宣公創祠祀之規制弘敞吞吐湖山臺榭之盛為一時冠炳

既物故仍坐法祠没入官以名賢得不廢隆慶間侍御豫章

謝公廷傑益以嚴光林逋趙抃王十朋呂祖謙張九成楊簡

宋濂王琦章懋陳選陶大臨金祀焉萬曆中侍御范公鳴謙

重修中有乳泉在各賢祠右

六一泉 在孤山之南宋時有僧慧勤幽棲于此與歐陽文忠

公友善公號六一居士適有泉出講堂下蘇子瞻遂名之曰

六一泉為銘記之作東坡庵於泉後以白寓云泉屋自南宋

廢為延祥觀元初改為帝師祠泉没于二氏之居幾三百年
元季兵燹泉始呈露 國初復興焉今復為人書院矣

孤山舊有孤山寺西閣辟枝塔鑑堂栢堂竹閣智果院瑪瑙院報國寺閑泉僕夫泉四聖延祥觀西太乙宮學士溝西湖書院金廢

孤山寺陳天嘉初建有金沙井辟枝塔迺宋僧志銓作陳文帝植兩檜于孤山寺宋時猶存其一號陳朝檜○竹閣白樂天作○智果院有僧道潜號參寥子於潜人通經典能詩蘇子瞻守黃州參寥自吳中訪之夢與賦詩有寒食清明都過了石泉槐火 時新後七年子瞻守杭州參寥始卜居智果有泉出石縫間寒食之明日子瞻來訪參寥汲泉烹茗適符所夢遂為銘記之○瑪瑙院有閑泉僕夫泉僧智圓所鑿也圓錢唐人能詩與林和靖為友臨化命後山塋之名陶器塚○延祥觀紹興間韋太后還自沙漠建以沉香刻四聖像并從者二十八人飾以大珠備極工巧○太乙宮宋理宗時中貴盧允升建以奢侈導上遊幸

僧志文

辟支塔詩

楊柳蒹葭覆水濱 徘徊南望倚闌頻 年光似鳥翩翩過
世事如棋局局新 嵐積遠山秋氣象 月生高閣夜精神
誰驚一陣鷗鳧起 蓮葉舟中把釣人

蘇子瞻

陳朝檜詩

宋孝宗書之勒于石

道人手種幾生前 鶴骨龍姿尚宛然 雙榦一先神物化
九朝三見太平年 忽驚華厦依巖出 乞與嘉名到處傳
此栢未枯君記取 灰心聊伴小乘禪

白樂天

題竹閣詩

晚坐松簷下 宵眠竹閣間 清虛當服藥 幽獨抵歸山
巧未能勝拙 忙因不及閒 無勞別脩道 只此是玄關

又西為西泠橋

西泠橋 一名西陵橋又名西林橋橋畔有五聖祠俗稱西陵

五聖是也凡商賈之家祭獻四時不絕 或云茲不當載愚以風俗所尚故不敢遺

張輿

紅藕花深逸興饒 一雙鷓鴣避鳴橈 曉風涼入桃花扇

臘酒香分椰子瓢 狂客醉歌明月上 美人歌斷綠雲消

數聲漁笛知何處 疑在西陵第一橋

蘇公堤六橋趙公堤天澤廟楊公堤裏六橋

蘇公堤 自南之北橫截湖中宋元祐間蘇子瞻守郡濬湖而

築之人因名蘇公堤夾植花柳中為六橋有亭覆之章子厚

詩云天面長虹一鑑痕直通南北兩山春自是湖分為兩也

西曰裏湖東曰外湖南渡後堤橋成市歌舞叢之走馬遊船

達旦不息歲久弗治兩湖之濤日淫嚙之堤漸廉削 國朝

成化已前裏湖盡為民業六橋水流如綫正德三年郡守楊

孟瑛闢之西抵北新堤為界增益蘇堤高二丈濶五丈三尺

列插萬柳頓復舊觀久之柳敗而稀堤亦就圯嘉靖十二年

縣令王鈇今犯罪輕者植桃柳為贖紅紫爛盈燦如錦帶後緣兵燹斫伐殆盡萬曆二年鹽運使朱公炳如復植桃柳燦然如舊

第一橋

名跨虹

舊時橋梁低窄萬曆中孫公重架高敞

第二橋

名東浦

第三橋

名履堤

嘉靖二十二年郡守陳公仕賢構亭其上

歲久就圯萬曆十五年郡守余公良樞重建龍王祠并橋亭十七年按察使龔公勉等建漾碧軒三賢祠以祀白樂天蘇子瞻林和靖三公并築露臺

第四橋

名望山

水名花港所謂花港觀魚者是也

舊有雪江講堂淳祐中婺州布衣胡忱充三賢堂堂長號雪江有錦囊集

第五橋

名鎖瀾

舊有湖山堂京尹洪濤建又有三賢堂袁詔所建以祀白蘇林三公者並廢

第六橋

名映波

稍南則為發祥祠矣

舊有旌德觀先賢堂觀本定香寺今止存定香橋寶慶間京尹袁詔改建為觀有虛舟雲錦二亭堂名仰高祀許由而下四十人中有清風亭花竹繁紆小山曲徑尋併入旌德觀並廢

高竹屋

味蘇堤芙蓉甚佳陸變詞

紅雲半壓秋波急艷粧泣露啼嬌色幽夢入便城風流石曼

西湖傳賢 卷之二
卿宮袍呼醉醒休捲西風錦明日粉香殘六橋烟水寒

蘇子瞻

題六橋詩

六橋橫截天漢上
北山始與南屏通
忽驚二十五萬丈
老葑席捲蒼烟空

陳剛中

湖堤感懷

昔日珠樓掩翠鈿
女牆猶在草芊芊
東風第六橋邊柳
不見黃鸝見杜鵑

張光弼

湖堤卽事

湖柳湖波盡可憐
不知春在阿誰邊
滿頭翡翠雙鬟女

細雨吳歌濕畫船

李草閣

春晚過湖

宿雲如墨繞湖堤
細柳新蒲咫尺迷
行到畫橋天忽醒
誰家茆屋一聲鷄

吳養浩

湖堤暮雨

柳絲淡蕩雨霏微
隔水遙看羽蓋飛
馬上僊人強支酒
踏花何處晚來歸

何夢桂

春日過湖

白髮星星紗帽烏
強隨年少過西湖
清明上塚行人少

寒食開門宮使無
半世行藏隨杖履
百年悲樂寄尊壺
歸來第五橋邊路
半樹斜陽噪鼎逋

孫太初

十里飛花送酒卮
六橋兒女蹋春詞
無人會得漁翁意
獨立晴湖照影時

田汝成

蘇堤如帶束湖心
羅綺新粧照碧尋
翠幕淺寒憐草色
華筵小簇占花陰
凌波人度織纖玉
促柱箏翻疊疊金
月出笙歌斂城市
珠樓縹緲綵雲深

趙公堤 宋淳祐中京尹趙與憲自北新路第二橋築堤以通
靈竺中作回面堂三亭夾岍植花柳以比蘇堤人遂稱為趙
公堤

天澤廟 本名履泰將軍廟在裏湖之金沙灘始建月日莫可
考按武林舊事云將軍姓孫名顯忠錢唐人仕吳越為名將
宋嘉熙中趙與權尹京禱雨有驗疏封天澤侯題其廟額曰
勅賜孚應之廟又稱天澤廟有天澤井葛仙翁所植虬松今
額并省牒石與權手書天澤二字猶存 國朝萬曆癸未夏
大旱郡守張振之率僚屬士民徧禱不雨一夕將軍降于此

示禱雨所嚮且為助雨明日振之詣廟禱如神指遂雨三日大有年廟垂圯即拓地新之仍今夏秋仲月丞簿致祭無有所失郡丞喻均為記

舊有小隱園裴園史園喬園資國園並廢
小隱園內侍陳源外宅○裴園裴禧別業○史園史徽孫別業○喬園喬幼聞別業其西北有馬蝗橋○資國園即履泰將軍故宅也

楊公堤 裏湖西岍者是也正德間郡守楊公孟瑛開濬西湖遂築此堤增建六橋俗稱裏六橋是也然近北山三橋在宋時已有之矣楊公所築者特南山三橋耳今擬其名以配外六橋也

第一橋 名環碧 自北而南也近淨空院玉泉之水出焉

第二橋 名流金 金沙灘之水出焉自此而西為天澤廟

第三橋 名卧龍 近龍潭深黝莫測有時祥光浮水蓋神

第四橋 名隱秀 遶丁家山而東沿堤屈曲蒼翠掩映自

此而西可通花家山

第五橋 名景行 舊有三賢祠在焉自此而西可通麥嶺

第六橋

名濬源

從定香橋而入虎跑珍珠二泉水出焉

其源長矣

湖心亭

舊為湖心寺鵠立湖中三塔鼎峙相傳湖中有三潭

深不可測所謂三潭印月是也故建三塔鎮之 國朝弘治

間按察司僉事陰子淑秉憲其厲時寺僧倚怙鎮守中官杜

門不容官長入陰廉其姦事毀之併去其塔嘉靖三十一年

知府孫孟尋遺址建亭其上周樹石欄湖山勝槩悉可擇結

尋圯萬曆四年僉事徐廷祿重建二十八年司禮孫公改為

喜清閣金碧輝煌恢拓壯麗閣後塑文昌之像

亭中有對聯云亭立湖心儼西子載扁舟雅稱雨奇晴好
席開水面恍東坡遊赤壁偏宜月白風清郡人鄭燁題

許叔夏

孤亭突兀敞高秋

風起青蘋紫翠浮

一送歸鴻何處去

碧天明月夜悠悠

徐子與

西湖對月

千山雨後片雲無

一棹風前興不孤

入座詞人高北斗

開尊明月滿西湖

光依玉樹秋相媚

寒照冰心病欲蘇

此地夜遊經幾度

未知誰解探驪珠

陳洪濛

十里湖光一鏡平 何年卜築破空明 月中誤擬瑤臺見
海上真疑蜃氣成 碧落墜星團鳳蓋 雲根栽石結鷗盟
桃源不必尋歸路 徙倚凭欄挹太清

陳有孚

烟波萬頃一亭浮 獨立湖心汎野鷗 四際芙蓉鋪水面
三天劍戟插山頭 帆檣遠岸窓中見 簫鼓環堤檻外收
月白風清真可玩 雨奇晴好總宜遊

西湖志摘粹補遺奚囊便覽卷之二

西湖志摘粹補遺奚囊便覽卷之三

武林高 應科 輯補

東嘉陳 有孚 文正

北山勝蹟

出錢塘門爲關王廟瀕湖爲王蓮亭

關王廟 萬曆二十六年建

王蓮亭 宋安撫魏克愚建先時都人競渡湖中以此爲奪標
之所久廢 皇明嘉靖二十一年按察司僉事劉望之重建
濬池環門樹以白荷甫成公以憂去扁額尚未揭俚人但稱

月牙公館二萬曆二十九年藩臬諸公重葺

田藝蘅 王蓮亭詩

蓮花半吐玉娟娟 蓮葉凝眸碧似泉 鏡裏寫成西子照

醉中扶上若耶船 逼清逼潔平湖水 難雨難雲小暑天

莫向第三橋畔去 蘇家楊柳瘦堪憐

徐有恒 蓮亭晚步

暝色隨潮半欲消 滿湖涼氣晚瀟瀟 一筇明月僧歸寺

兩袖春風客過橋 屏倒空青山窈窕 鏡磨寒碧水迢遙

誰家有酒心無事 醉倚蓮亭弄玉簫

錢唐門沿城而北舊有錢王廟九曲城菩提院真覺院法
濟院妙因院寶嚴院普潤寺王壺園望湖樓賈似道上船
亭謝府園擇勝園隱秀園來鵲樓並廢
錢王廟事詳于表忠祠下○九曲城有五聖廟蘇漢臣畫
壁○菩提院本錢惟演別墅捨以為寺後併入昭慶○普
潤寺宋淳熙中建○王壺園宋理宗御園林亭幽雅長夏
森寒○望湖樓在昭慶寺前錢王作一名先得樓○謝府
園為太后別墅備華極邃架亭湖中每元夕亭館皆垂水
晶簾放燈上下輝映金碧奪目士女縱觀嘗得遺簪墜珥
○擇勝園宋秀王別墅○隱秀園劉鄜王別墅○來鵲樓
邑人張文宿別墅也嘗為晉江令有雅致寄傲湖山構樓
湖畔棟宇經始有鵲巢焉遂以為名

張輿 王壺園詩

林亭絕幽迥 長夏綠雲香 明月出山小 白蓮承霧涼

譙鼓樓頭急 吳歛風外長 儵然王壺內 渾與世相忘

西清便覽
潘閣

望湖樓詩

望湖樓上立 竟日懶思還 聽水分他界 看雲過別山
孤舟依岸靜 獨鳥向人閒 回首重門閉 蛙聲夕照間

蘇子瞻

黑雲翻墨未遮山 白雨跳珠亂入船 卷地風來忽吹散
望湖樓下水如天

王介甫

水光山氣碧浮浮 落日將歸又少留 從此祇應長入夢
夢中還與故人遊

王蓮亭之西過溜水橋為昭慶律寺

溜水橋 洩湖水以入下湖可通新河壩

昭慶寺 晉天福間吳越王建宋太平興國三年建戒壇於寺

中每歲三月三日海內緇流雲集於此推其長老能通五宗
諸典者登壇說法敷陳具戒其徒跪而聽之名曰受戒天禧
初有圓淨法師學廬山慧遠結白蓮社緇紳之士與會者二
十餘人南渡後以其地為教場尋復為寺元末燬 皇明洪
武間重建成化間燬僧廣運復建嘉靖三十四年綠島夷入
寇復燬尋復建隆慶三年燬萬曆三年重建司禮太監孫公

助成之懸幡列鼎繪壁修橋開闢天衢以通湖畔長興丁曜
建坊題云律宗昭慶萬善戒壇

陳堯佐

湖邊山影裏 靜景與僧分 一榻坐臨水 片心閒對雲

樹寒時落葉 鷗散忽成群 莫問紅塵事 林間肯暫聞

王元之

夢幻吾身是偶然 勞生四十又三年 任誇西掖吟紅葉

何似東林蓮日蓮 入定雪龕燈焰直 講經霜殿磬聲圓

謫官不得餘杭郡 大富高僧結社篇

自昭慶而西為石函橋

石函橋 唐刺史李泌建有水閘泄湖水以入下湖沿東西馬

塍羊角埂至歸錦橋凡四派白樂天記畧云北有石函南有

笕决湖水一寸可溉田十五餘頃每一復時可溉五十餘頃

白樂天

武林留別

耆老遮歸路 壺漿滿別筵 甘棠無一樹 那得淚潸然

稅重多貧戶 農饑足旱田 惟留一湖水 與汝救荒年

過石函橋之西為放生碑

放生碑 在寶石山麓宋天禧四年王欽若請以西湖為放生

池禁民採捕郡守王隨為記

先時建亭於上今廢

石函橋之北為慶忌塔

慶忌塔 在昭慶之北春秋時吳王闔閭弒王僚僚子慶忌奔

衛闔閭患之謀諸伍員員進細人要離者詐以負罪出奔請

戮妻子斷右手乃奔諸侯宣怨于路如衛見慶忌言闔閭無

道慶忌信之與還襲吳渡江要離坐于上風因風勢以矛鈎

其冠而刺慶忌死葬于此

在宋為豐儲倉前有石池深不可測宋咸淳六年七月池水

壁立浮苴登木蕩突久之或云中有大龜數百年者故興妖

如此又時或有怪物出水上若鐵棺然

石函橋之北舊有趙郭園水丘園梅岡園聚秀園錢氏園

張氏園王氏園萬花小隱園竹所雲洞園瑤池園錢唐縣

尉司寶勝院洞明庵精進院延慶院澄寂院金廢

梅崗園宋韓蘄王別業也周廣一百三十畝花竹輝映皆

聚景之所四時可遊有吳立夫花園老卒歌○雪洞園乃

楊和王別業培上為洞斲石為坡亭榭玲瓏戶牖輝煌花

木蟠鬱窮極雅麗○錢唐縣尉司宋興隆間建時宇內承

平茲邑特繁麗仁宗常覽西湖圖嘆曰真仙尉也遂建真

仙亭蘇子瞻建英遊閣林和靖賦秋水芙蓉詩○洞明庵

咸淳中朱端卿捨宅建

又北為羊坊橋小溜水橋靈衛廟

羊坊橋 宋時滌羊之所也

舊有酒庫瓦子今廢

其西為古柳林社稷壇又西為古蕩橋東嶽廟

小溜水橋 俗稱水磨頭其下為松毛場

靈衛廟 宋建炎三年金酋完顏宗弼犯臨安郡守康允之退保赭山錢唐令朱蹕鳩鄉兵二千邀擊之力戰死尉將金勝祝威復集洞兵據葛嶺緇竹覆泥為大途以誘賊賊騎馳至蹕躡而踣仆者鱗疊橫屍山委金人大駭遁赤山得奸細為導由南壁入威勝被執死之郡人感其忠節以馬革裹屍駢塋雲洞之右立祠祀之後人并以祀蹕淳祐間賜額曰靈衛至今人稱金祝廟者從始建意也每歲七月一日守臣致祭蓋金公誕辰云

金祝廟之東北過混堂橋又北湖壘半道紅為阮公祠

阮公祠 在武林門之北公名鶚字應薦號山峰直隸桐城人

登嘉靖甲辰進士三十四年島夷入寇屯聚塘棲城門悉閉

時公督學兩浙文武無資士民屬望土鎮北門見居民奔集

城下呼號震天即命啟關放入所全活者數百萬人尋以功

陞浙福都御史隆慶三年士民追思立祠尸祝仍置祀田以

備蒸嘗郡守吳公一介為之勒石今子孫榮盛科甲蟬聯蓋

公德澤所遺未艾也萬曆辛丑歲公哲孫以薦奉勅督理

軍儲入浙

子諱虎山先生傳知先生獻公啟閉兩門防倭活衆事甚
悉惜碑記未詳故不大書虎山姓宋名儒贈少司馬
宋應昌 先司馬虎山府君以諸生兩畫奇策受知于
公故云

風霜肖貌肅壇儀 父老霑恩頌昔時 巨漲周防嚴捍禦

重城特啟拯蒸黎 芻蕘不廢經生略 伏臘常懸俎豆思

千載雲仍歌祖德 棠陰無恙口為碑

徐有恒 謁阮宗師祠

斗山望重倚文宗 韜畧淵深諳武功 掃蕩腥膻清海甸

保全黎庶起疲瘡 雨餘共載流甘澤 烟滅常懷見山峯

要識士民圖報切 馨香時集虎林東

過放生碑而西為寶石山崇壽禪寺寶所塔壽星石石屏

風獅子峰屯霞石看松臺落星石乳泉井一勺泉天然圖

畫閣

寶石山 本名巨石山高六十三丈周一十三里錢王封為壽

星寶石山羅隱為之記其絕頂為寶峰其下為寶稷山

山下有乳泉佛足泉 正德九年僧文鏞構挹涼亭於山下

萬曆二十七年重脩

崇壽寺 吳越王之臣吳延爽者請東陽善道和尚舍利建塔

於山巔附以佛廬宋開寶初賜額曰崇壽院元至正末燬

西清便覽 卷之三
國初有高僧慧炬出家院中募緣重建炬明天台教時江濤大溢炬說法洒淨水止之隄賴以不圯杭人稱炬菩薩云嘉靖初復燬

寶所塔 吳延爽建九級尋崩咸平中僧永保以目盲募緣十年始復其舊目光如故保有戒行人呼師叔遂稱保叔塔也元至正末燬僧慧炬重建至七級而止 皇明成化間又燬正德九年僧文鏞重建築西方殿於塔後嘉靖元年塔燬二十二年僧永果者有戒行募緣重建有全真號浪滔滔者亦與協力助之隆慶二年龍風吹落其頂塔亦漸圯萬曆二十

二年重修

壽星石 舊名落星石錢王改今名一在塔後一在看松臺下各大數十圍塊然無根望之如斲

石屏風 獅子峰 皆以形似名之

獅子峯一名巾子峯又名紗帽山又俗呼為蝦蟆山

屯霞石 色赭如霞介立崖畔

看松臺 去寺左百步許俯臨巨壑凌駕松杪松下有落星石乳泉井 去看松臺百步所泉白而甘

一勺泉 在塔下石壁僧房間其前為天然圖書閣

西湖傳覽 卷之三
崇壽院前舊有金牛護法院○申子峯前有金輪梵天院
石屏風下有石屏院並廢

錢思復 寶所塔詩

金刹天開畫 鐵簷風語鈴 野雲秋共白 江樹晚逾青
鑿屋簷藏雨 黏岬石墜星 下看湖上客 歌吹正沉冥

王顥

樹益珠林勝 花開翠壁妍 清秋一舒嘯 盡裏看詩仙

夏公謹 天然圖畫詩

客到西湖上 春遊尚及時 石門深歷險 山閣靜憑危
午寺鐘鳴亂 風湖去舫遲 清尊歡不極 醉筆更題詩

寶石山麓為大佛禪寺沁雪泉壺瓶塔

大佛寺 舊傳為秦始皇纜船石也宋宣和中僧思淨者當兒
時見之作念曰異日出家當鐫此石為佛及長為僧妙行寺
遂鐫為半身佛像飾以黃金構殿覆之名為大石佛院元末
燬 永樂間僧志琳重建勅賜大佛禪寺

沁雪泉 在佛身右壁棠陵方思道題

壺瓶塔 在寺畔乃元時西河僧所建

張輿

葛儂嶺西大石頭 祖龍東來曾繫舟 不聞登仙入蓬島

徒見作佛如嘉州 地湧半身雲水繞 山開一面金碧浮
幾回劫火燒不盡 空對湖山飛白鷗

寺畔舊有相嚴院冠勝軒西有水月園大吳園小吳園水仙祠孫花翁墓金廢

水月園高宗賜楊存中者俯挹澄湖萬柳成幕燕遊者多集焉○水仙祠梁大同間建○孫惟信字季蕃仕宋光宗

時棄官隱西湖工詩文好藝花卉自號花翁官徒壁立彈琴讀書晏如也既卒趨與篋葬之于水仙王廟側

仇仁近

花翁墓詩

水僊分地整詩人 一片荒山野火焚 薦菊有亭今作圃

掃松無子謾留墳 蝸牛負殼粘碑石 老鶴携雛入隴雲

欲把管絃歌楚些 却憐度曲不如君

大佛寺西為靈濟廟夏后祠

靈濟廟 萬曆四年建以祀桑九郡王者王諱憲保字仲才昆

仲九人神行九姚江燭溪人仕唐宣宗時奉使海昌卒追封

悟空國師繼為神建炎間助張浚以禦金人事聞建廟崇祀

國朝景泰嘉靖間又以塞黃河功錫封郡王屢著靈應越人

德之建廟于此海昌沈友儒為記

夏后祠 萬曆三年建以祀勅封顯應夏蓋忠順夫人者世傳

有夏帝相元妃薨於虞葬夏蓋山有宮奉祀宋思陵駐蹕累

上徽號凡遇水旱疾疫有祈輒應一方德之姚虞兩邑士民

西湖便覽 卷之三
居杭者以涉江濤襍非便故建行宮于此

又西為智果禪寺 參寥泉

智果寺 舊在孤山吳越王建宋紹興間徙建于此先是蘇子瞻守杭州與智果院禪師參寥子善名其所居泉曰參寥泉寺既徙北山有泉適出寺後好事者仍名參寥泉以志舊蹟元末燬 洪武初僧可祥重建

又西為顯功廟

顯功廟 以祀宋布衣岳琚者琚錢唐霍山人建炎三年十二月金虜完顏宗弼由獨松關犯杭州守臣遁於赭山琚乃捐

家貲以充軍餉推錢唐今朱蹕為謀主金祝二尉為先鋒率死士誘虜由西溪金天竺東來斬葛嶺編竹覆泥以陷之虜後從南壁以寇城西琚力戰死焉郡人感之為請於朝立祠於此

又西為錦塢初陽臺葛翁井

錦塢 在寶雲山之東宋時此地花卉燦然若錦故名錦塢初陽臺 在山之巔葛仙翁脩真時吸日月精華於此高朗宜遠眺清曉烟消日出海底烟然奇觀

按此臺廼湖山第一偉觀舊時有亭今廢遺址尚存書之俟好事者飾復舊矣

楊仲弘

丹臺欲上路盤盤 秋月圓時正好觀 已作高亭凌岸巘

豈辭深夜倚闌干 雲封大壑蛟龍睡 露下蒼林翡翠寒

下顧塵寰悲迫厄 致身何止在雲端

張伯雨

初陽臺上新亭好 一曲笙簧石壁間 驚起玄真狂道士

步虛飛下玉清臺

葛翁井 去智果寺西南可數十步上方下圓相傳為葛稚川

投丹之所今在馬氏園宣德間大旱馬氏斃而涸之得石匣

一石甌四匣固不可啟甌中有丸藥若焚贖者嚼之絕無臭味乃棄之施漁翁獨啗一枚後年百有六歲井遂淤惡不可食以匣投之甘冽如故

張伯雨

葛洪井上訪真居 一飲甘泉足自如 拂袖莫嫌狂散甚

子非知我我知魚

錦塢西舊有會安院治平寺至清宮雲巢樓並廢
治平寺僧法聰建○至清宮宋紹定初建內有巢雲樓相傳葛翁曾煉丹于此

張伯雨 巢雲樓詩

初陽臺上白雲多 雲裏層層玉樹歌 棲息一枝緣未穩
飛翻千仞柰危何 雨中幕燕雷驚起 峰頂笙鸞月送過
好在丹梯無百尺 屋頭看盡白鷗波

又西為寶雲山瑪瑙講寺後僕夫泉紫陽書院

瑪瑙寺 卽孤山晉時所建瑪瑙寶勝院也宋紹興間徙築于
此元末燬 皇明永樂間重建

陳諭

雨霽佛屋明 苔逕深曲折 樹搖高露灑 草密暗泉咽
前林或清磬 烟燈遠欲滅 寄謝塵中人 與君從此別

僕夫泉 元僧芳洲所鑿也先是智圓居孤山有僕夫藝竹得
泉遂號僕夫泉後徙寺茲山藉葛井以及汲寺僧難之芳洲鑿
地得此遂名後僕夫泉也

瑪瑙寺後陟山之巔石磴數百級有閣凌空特起憑眺最勝
俗稱瑪瑙山居是也

紫陽書院 卽山居也萬曆五年督學僉事關中喬公因阜改
祠祀紫陽先生也蓋先生提舉浙東有大惠政於法得祀焉
有崇道堂初陽山房浴日泉瑪瑙坡寶雲茶塢諸勝祠下有
葛翁井

馬瑤寺西宋有小隱瓊華半春等園寶雲庵養樂園並廢
○小隱園瓊華園半春園皆史彌遠別墅也臺榭工麗在
在殊宜○寶雲庵宋乾德間吳越王建內有靈泉井○養
樂園買似道別墅也似道嘗往園中有遊騎過門者輒為
偵事者擒入有官者黜有財者籍其妾兄闕瞰亦縛投火
中其勢熾如此後似道既敗有人題養樂園之壁云

老壑曾居葛嶺西 遊人誰敢問蘇堤 勢將覆餗不回首

事到出師方噬臍 廢圃更無人作主 敗垣惟有客留題

笑來祇是孤山耐 依舊梅花伴月低

蘇子瞻 寶雲庵詩

寶雲樓閣闢千門 林靜初無一鳥鳴 閉戶莫教風掃地

捲簾惟有月臨軒 水光瀲灩猶浮碧 山色空濛已歛昏

乞得湯休奇絕句 始知鹽絮不是陳言

又西為葛嶺葛仙翁墓

葛仙翁墓 在葛嶺上 葛洪字稚川晉時人博聞深洽江左

絕倫好神仙導養之術見高士郭文舉於大滌山中覲德而

悟道結廬西湖脩真著書號抱朴子 嶺上有甘露泉梅泉

薩天錫

煉丹仙子渺茫間 一夕乘風去不還 火冷爐頭灰已盡

雲封洞口嶺長閑 千年瑞氣生瑤草 夜半天風響佩環

真鏡空明白今古 烟霞依舊隔塵寰

吳立夫

嵩葛翁

人生擾擾間

頗覺天地窄

我憶抱朴子

高臺晚空碧

初陽出山上

照破萬古石

丹光動鼎鐺

霧氣浮冠鳥

遺書上下卷

道妙或黃白

老衰及病瘦

辛苦為形役

豈伊鸞鳳姿

終以狐兔宅

尸解本無形

空飛寧復踏

郭君曾有傳

勾漏恍所歷

降子倘可問

稚川特未隔

幽林來翹翹

缺井守蜥蜴

神仙果何人

海嶽長戲劇

世傳老聃死

吾謂方朔謫

虛墳誰所為

怪樹獨悲激

滿前湖與山

秋色落几席

因茲此爾死

目送天邊隔

古今文字經序跋

王

往